

外口生非謗虛心禱證明長楸根已爛朽枿筍重榮孟氏悲黃  
竹田真歎紫荆昔年聞孝義今日表忠貞

答號縣猛安鎮國

酷愛無人境高飛出鳥籠吟詩閑度日觀化靜臨風杖策南山  
北酣歌西坂東紅塵多少事不到白雲中

答號縣李四秀才

嚴冬極瀟灑短晷急周旋獨立紅塵外孤吟碧嶂前側身窺洞  
口明目注山巖遙望青峯雪皚皚白映天

訪終南懷道村宿之道留宿竹園

懷道訪之道攄情遠世情安居神自爽欲睡夢還驚仙院風光

道藏輯要

碓溪集

七

又胃集三

雅瓊林月色清儒生真得趣笑戀紫袍榮

讚長生先生

法眷我昏耳仙傳誰福乎東萊高士傑西浴大名殊後獲宗乘  
教公最後先開道德樸深知童子力乃感聖賢扶

讚玉陽先生

故國真仙子東方大達人清高何異俗爽邁不同塵表裏天俱  
賜行藏世絕倫時時期禍福徵驗默通神

寄題碓溪太公廟

一景通高下三峯鎮古今路穿雲洞滑祠隱釣溪深出竇飛泉  
迸參天古栢陰快哉清絕地堪暢野人心